

三才廣志

春秋

春秋經十二卷 吳衛將軍士燮注

春秋經十二卷

春秋左氏長經二十卷 漢侍中賈逵章句

三傳經解十一卷 胡訥集撰

春秋加減一卷

三傳經字異同一卷 丁副

一字石經春秋一卷

三字石經春秋三卷

按春秋之經則魯史記也初無同異之文亦無彼此之說良由三家所傳之書有異同故是非從此起臣作春秋考所以是正經文以凡有異同者皆

是訛誤者簡編艱繁者希見親書惟以口相授
左氏世為楚史親見官書其訛差少然有所訛從
文起公穀漢之經生惟是口傳其訛差多然有所
訛從音起以此辨之了無滯礙又有春秋傳十二
卷以明經之旨備見周之憲章

三字石經左傳古篆書十二卷

今字石經左傳經十卷

春秋左氏解詁三十卷賈逵

春秋左氏傳解詁三十一卷服虔

春秋左氏傳三十卷王肅

春秋左氏經傳章句三十卷董遇

春秋左氏傳儀注十八卷孫毓

春秋左氏傳十二卷魏司徒王朗

春秋左氏經傳集解三十卷杜預

杜預解左氏類師古解漢書所以得忠臣之名者
以其盡之矣左氏未經杜氏之前凡幾家一經杜
氏之後後人不能措一辭漢書未經顧氏之前凡
幾家一經顧氏之後後人不能易其說雖有措辭
易說之者如朝月曉星不能有其明也如此之人
方可以解經苟為文言多而經旨不見文言簡而
經旨有遺自我說之後後人復有說者皆非箋釋
之手也傳注之季起惟此其殆廢幾二人乎其故
何哉古人之言所以難明者非為書之理意難明
也實為書之事物難明也非為古人之文言難明
也實為古人之文言有不通於今者之難明也
能明乎爾雅之所作則可以知箋注之所當然不

明乎爾雅之所作則不識箋注之所歸也善乎二
子之通爾雅也顏氏所通者訓詁杜氏所通者星
歷地理當其顏氏之理訓詁也如與古人對談當
其杜氏之理星歷地里也如羲和之步天如禹之
行水然亦有所短杜氏則不識蟲魚鳥獸草木之
名顏氏則不識天文地里孔子曰知之為知之不
知為不知是知也杜氏以星歷地里之言無不極
其致至於蟲魚草木之名則引爾雅以釋之顏氏
於訓詁之言甚暢至於天文地理則濶畧焉此為
不知為不知也其他紛紛是何為者釋是何經明
是何學

春秋五家傳注

杜服二氏左氏注十卷

王元度注左傳七卷

一字石經公羊傳九卷 嚴彭祖公羊傳十二卷

何休公羊解詁十一卷 王愆期公羊經傳十三

卷 高繫公羊傳十二卷 孔衍公羊集解十四

卷 公羊傳五卷 漢諫議大夫尹更始穀梁傳

十五卷 吳唐固穀梁傳十三卷 魏平樂太守

康信穀梁傳十二卷 晉堂邑太守張靖穀梁傳

十卷 程闡穀梁傳十六卷 孔衍穀梁傳十四

卷 徐邈穀梁傳十二卷 段肅注疑漢人穀梁

傳十四卷 孔君指訓穀梁傳五卷 范甯集解

穀梁傳十二卷 残缺張程孫劉四家集解穀梁

傳四卷 晉給事郎徐乾穀梁傳十三卷 鄒氏

傳十一卷 夾氏傳十三卷 鄒夾傳雖亡今取

而備之以見五家之所始

春秋三傳義疏

陳國子博士沈文阿唐志二十七卷左氏經傳義
畧二十五卷 王元規續沈文阿左氏傳義畧十
卷 陳右軍將軍張冲義畧三十卷 左氏義畧
八卷 崔靈思左氏傳立義十卷 東京太李博
士刘炫左氏傳述義四十卷 左氏鈔十卷 于
寶隋志作春秋左氏函傳十五卷義函傳十六卷
孔穎達正義三十六卷 徐文遠左氏義疏六
十卷 精義三十卷 公羊疏十二卷見隋志
公羊疏三十卷 徐邈穀梁傳義十卷 唐楊士
勛穀梁疏十二卷

春秋傳論

賈逵釋訓一卷 董仲舒決事十卷 董仲舒繁

露十七卷 賈逵左氏經傳朱墨例一卷 決疑

論一卷 何休左氏膏肓十卷 何休穀梁廢疾

三卷 何休公羊墨守十四卷 何休漢義十三卷

鄭玄駁何氏漢義二卷 駁何氏漢義叙一

卷 服虔左氏膏肓釋病一卷 服虔駁何氏漢

議十一卷 魏康信理何氏漢議二卷 何休春

秋義十卷 服虔成長說九卷 漢司徒掾王玠

左氏達義一卷 服虔塞難三卷 康信說要十

卷 杜預左氏評二卷 孫毓左氏傳賈服異同

畧五卷 李謐叢林十二卷 宋尚書郎何始真

左氏區別三十卷 義林一卷 梁博士沈宏五辨

一卷 辨證六卷 王述之旨通十卷 崔靈思

申先儒傳論十卷 王述之左氏經傳解四卷

徐邈荅穀梁義三卷 崔靈思經傳解六卷 薄

叔玄問穀梁義二卷 晉博士刘兆公羊穀梁集

傳十二卷 公羊穀梁二傳評三卷 賈逵三家

經本訓詁十二卷 魏長史秋韞益三傳論十卷

潘叔度經合三傳通論十卷 潘叙度成奪十

卷 胡訥已上見隋志三傳評十卷 殷興左氏

釋滯十卷 沈宏經傳解六卷 崔靈思經傳解

六卷 刘炫攻昧十二卷 刘炫規過三卷 王

愆期難荅論一卷 荀爽徐欽荅問五卷 刘是

公羊遠義三卷 蕭邕問傳議三卷 刘兆三家

集解十一卷 江熙公穀二傳評三卷 李鉉二

傳異同十二卷 雜義難五卷 左氏杜要評二

卷 高重纂要四十卷 刘軻三傳旨要十五卷

王元應振滯二十卷 韓況春秋通一卷 李瑾

指掌十五卷 張傑指元十卷 裴安時左氏釋

疑七卷 張岳折衷論三十卷 郭翔撰以上見

唐志義鑑三十卷 唐陸淳集解春秋微旨三卷

陸淳集傳辨疑七卷 偽蜀蹇尊品左傳引帖所

義七卷 龜鑑一卷 偽唐姜虔嗣纂要十卷 宋

朝王公集傳十五卷 纂類義統十卷 王悅原

要二卷 三傳雜評十卷 陸淳闡微纂類義統

十二卷 李鉉先儒異同三卷 義彙七卷 馬

擇言要論五卷 鄭昭慶會元十二卷 李克俞

三傳集義三十卷 吳元緒左氏鼓吹一卷 王

哲異義解十二卷 王哲通義十二卷 王哲皇

綱論五卷 左氏傳鑑三卷 盧仝摘微一卷

經杜十二卷 黃君俞開言十二卷 王棐春秋
義二十卷 何涉本旨四卷 唐李瑾碑玉一卷
陳洙索隱五卷 孫覺經杜要義六卷 孫復專
王發微十二卷 孫復總論三卷 楊希範左氏
指元十卷 杜諤會義三十卷 宋堂新義十卷
董敦逸義畧十四卷 胡瑗要義三十卷 胡瑗
口義二十卷 龍昌期正論三卷 龍昌期後道
論十五卷 皮元春秋意十五卷 劉夔褒貶志
五卷 吳攸折衷義十一卷 三傳玄談一卷

春秋序

劉寔等集解序一卷 于寶撰序論二卷 賀道
養注序一卷 崔靈恩撰序一卷 田元休注序
一卷 劉炫注左傳杜預序集解一卷 序義疏

二卷 鮮于公撰公羊解序一卷

春秋條例

漢公車聘士穎容釋例十卷 漢大司農鄭衆左

傳條例九卷 杜預釋例十五卷 晉太尉劉寔

條例十一卷 晉方範經例十一卷 左氏傳條

例二十五卷 義例十卷 梁簡文帝左傳例苑

十九卷 春秋五十凡義疏二卷 何休公羊謚

例一卷 何休公羊傳條例一卷 范甯穀梁傳

例一卷 鄭衆牒例章句九卷 梁吳晷經傳說

例疑隱一卷 申先儒傳例一卷 韋表微三傳

總例二十卷 李氏三傳異同例十三卷 陸質

集傳春秋纂例十卷 陸希声通例三卷 成玄

公穀總例十卷 周希聖總例十二卷 朱臨統

例二十卷 丁副演聖統例二十卷 雜體例一卷

春秋圖

梁簡文帝左氏圖十卷 漢嚴彭祖圖七卷 唐張傑圖五卷 手鑑圖一卷 圖鑑五卷 王哲明例隱括圖一卷

春秋文辭

大夫辭三卷 嘉語六卷 以上見隋志 梁沈宏文苑六卷 辭苑五卷

春秋地理

漢嚴彭祖明會地圖一卷 晉裴秀客京相璠等撰土地名三卷 春秋諸國錄 杜預釋例地名譜一卷 列國圖一卷

春秋世譜

顧啓期左氏諸大夫世族譜十三卷 世譜七卷

帝王歷紀譜二卷 演左傳謚族圖五卷 馮維

先名號歸一圖二卷 杜預小公子譜六卷 吳

楊蘊公子譜一卷 鄭壽世次圖四卷 馮維先

名字異同錄五卷 鄭昂諸臣傳三十卷 王當

列國諸臣贊傳五十一卷 春秋括甲子 十二

國年歷一卷 機要一卷 宗族名謚譜五卷

國君名例一卷 謚族譜一卷

春秋卦錄

師春二卷 魯史春秋卦名一卷

春秋音

魏中散大夫稽康左傳音三卷 李軌左傳音三

卷 杜預左傳音三卷 徐邈左傳音三卷 左

傳音隱一卷 王元規左傳音三卷 見唐志左

傳音十二卷 徐文遠左傳音三卷 陸德名音

義六卷 王儉公羊音二卷 陸德明又一卷

徐邈穀梁音一卷 陸德明又一卷

春秋外傳國語注解

賈逵外傳國語二十卷 虞翻外傳國語二十一

卷 辛昭外傳國語二十二卷 晉五經博士孔

晁外傳國語二十卷 唐固外傳國語二十一卷

春秋章句

王肅外傳章句二十二卷

春秋非駭

柳宗元非國語二卷

春秋國語音

宋庠國語補音二卷 國語音畧一卷

春秋識緯

却萌撰災異十五卷 災異應錄五卷 宋均注

春秋緯三十卷 內事四卷 包命二卷 祕事

十一卷

春秋古經十二篇

周禮小宗伯注古文春秋經公即位為公即位立史

記吳世家余讀春秋古文服虔注左氏云古文篆

書一簡八字

經十二卷

詩正義漢初為傳訓者皆與經別行三傳之文不

與經連故石經書公羊傳皆無經文

左氏傳三十卷

漢初出張蒼之家文帝時賈誼為訓詁授趙人貫公太史公十二諸侯年表序云孔子西觀周室論史記舊聞具於魯而次春秋七十子之徒口受其傳指為有所刺機褒諱挹摸之文辭不可以書見也魯君子左明丘明懼弟子人人異端各安其意失其真故因孔子史記具論其語成左氏春秋列歆以為丘明好惡與聖人同親見夫子而公羊穀梁在七十子後傳聞之與親見其詳畧不同建平中歆歆立左氏諸儒排之謂左氏不傳春秋沈氏云嚴氏春秋引觀周篇云孔子將脩春秋與左丘明乘如周觀書於周史歸而脩春秋之經丘明為之傳共為表裏啖氏曰左氏比於二傳其功最高

博采諸家叙事尤備能令後代頗見本末因以求
意經文可知劉氏曰仲尼之時魯國賢者無不從
之游獨丘明不在弟子之籍若丘明真受經作
者豈得不在弟子之籍哉丘明自用其意說經沈
以舊章常例通之於史策可以見成敗耳其褒貶
之意非丘明所盡也以其不受經也石林葉氏曰
古者以左史書言右史書動氏曰蓋左史之後以
官名氏者也所以得其目以為傳東萊呂氏曰左
氏於定哀之間載孔子之事皆傳聞失實本不曾
登聖門公羊疏云左氏先著竹帛故漢時謂之古
李平帝時始立李官建武以李封為博士後廢肅
宗令賈逵選公羊嚴顏諸生教以左氏與簡紙經
傳各一通雖不立李官然擢高第為講郎說文引

古文左氏無以茵酒附萎魚松柏橫瀆鬼神諸侯
敵王所錄談談出出王室日惹惹焉澤之日藥不
義不相發夷蘿崇之楠部薦輸其子多異後漢言
左氏祖鄭其而賈逵傳父業故有鄭賈之學

公羊傳十一卷

戴宏序云子夏傳與公羊高高傳與子平平傳與
子地地傳與子敢敢傳與子壽至漢景帝時壽乃
共弟子齊人胡毋子都著於竹帛儒林傳胡毋生
為景帝博士與董仲舒同業齊之言春秋者宗事
之公孫弘亦頗受焉武帝因尊公羊家何休自謂
本胡毋生條例劉氏曰公羊異二傳者大指有三
一曰據百二十國寶書而作二曰張三世三曰新
周故宋以春秋當新王三者皆非也隋志春秋公

羊傳十二卷嚴彭祖撰荀崧謂公羊辭義清俊斷
大明審晁氏曰既曰一家之傳而特書子公羊子
者孰謂謂高與又載魯子高子之辭何耶而又後
有子沈子子女子子亢宮子者高之所子歟抑平
地敢壽之壽所子歟

穀梁傳十一卷

韋賢夏侯勝言穀梁子本魯孝公羊氏迺齊李也
吳兢書月云秦孝公時人楊士勛疏云穀梁子名
倣字元始魯人一名赤受經於子夏為經作傳傳
孫卿卿傳魯人申公申公傳博士江翁其後魯人
榮廣大善穀梁又傳蔡千秋漢宣帝好穀梁擢千
秋為郎由是行於世隋志梁有春秋穀梁傳十五
傳漢諫議大夫尹更始撰劉歆曰孝宣立穀梁後

漢賈逵兼通五家穀梁之說是氏曰穀梁悅出於漢因得監省左氏公羊之違畔而正之其精深遠大者真得子夏之所傳左氏之失專而縱公羊之失雜而拘穀梁司典刑而不縱崇信義而不拘有意乎蹈道而知災通矣不免失之隨也石林葉氏曰左氏傳事不傳義是以詳於史而未事必實以不知經故也公羊穀梁傳義不傳事是以詳於經而義未必當以不知史故也又曰穀梁或記尸子沈子其所從來亦不一鄭康成曰左氏善於礼公羊善於識穀梁善於經荀崧謂穀梁文清義約啖氏曰二傳傳經密於左氏穀梁意精公羊詞辨但守文堅滯或至于楮不近聖人夷曠之體

鄒氏傳十一卷夾氏傳十一卷

七錄云建武中鄒夾氏皆絕王吉能為騶氏春秋
隋志王莽之亂鄒氏無師夾氏亡范昇奏曰春秋
之家又有騶夾

鐸氏微三篇

太史公云鐸微為楚威王傳為王不能盡觀春秋
采取成敗卒四十章為鐸氏微劉向別錄云左丘
明授曾申申授吳起起授其子期期授楚人鐸微
鐸微作抄撮八卷授虞卿說苑魏武侯問元年於
吳子吳子對曰言因君必謹始也謹始奈何曰正
之正之奈何曰明智吳起季春秋見於此

虞氏微傳二篇

劉向別錄云虞卿作抄撮九卷授荀卿荀卿授張

蒼

公羊顏氏記十一篇

顏安樂事莊孟六藝論云治公羊者胡毋生董仲舒仲舒弟子羸公公弟子莊孟孟弟子莊彭祖及顏安樂彭祖為嚴氏李安樂為顏氏李皆立博士後漢張霸減定嚴春秋氏為二十萬言

公羊董仲舒治獄十六篇

隋志董仲舒春秋決事十卷唐志春秋決獄十卷應劭曰仲舒居家朝廷每有政議遣廷尉張湯問其得失於是作春秋決獄二百三十二事動以經對論衡曰仲舒表春秋之義摺合於律無乖異者議奏三十九篇

劉更生傳初立穀梁春秋徵更生受穀梁講論五經於石渠

國語二十一篇

司馬遷傳贊左丘明為傳又纂異同為國語史通
曰左丘明既為春秋內傳又稽逸文纂別說分周
魯齊晉鄭楚吳越八國事起周穆王終魯悼公為
外傳國六經之流語三傳之亞也陸淳謂與左傳
文體不倫定非一人所為太史公曰左丘失明厥
有國語石林葉氏曰按姓氏譜有左氏有左丘氏
則起一家之言乎唐啖趙之徒頗之知然未有以
必其說也宋氏曰自魏晉以後書錄所題皆曰春
秋外傳國語是則左傳為內國語為外二書相副
以成大業說文引國語仇餒不及一食於其心仇
然兵不解匠其字多異

東萊呂氏曰以張晏所列亡篇之目校之史記或其篇具在或草具而未成非皆無書也其一曰景紀此其篇具在者也所載間有班書所無者其二曰武紀十篇唯此篇亡衛宏漢舊儀注曰司馬遷作本紀極言景帝之短及武帝之過武帝怒而削去之衛宏與班固同時是時兩紀俱亡今景紀所以復出者武帝時能毀其副在京師者耳藏之名山固自有他本也武紀終不見者起非指切尤甚雖民間亦畏禍而不敢藏乎其三日漢具以來將相年表其書具在但前闕叙其四曰禮書其叙具在自禮由人起以下則草具而未成者也其五曰樂書其叙具在自凡音之起而下則草具而未成者也其六曰律書其叙具在自書曰七正二十八

舍以下則草則具未成者也其七日三王世家其書雖亡然叙傳云三子之王文辭可觀作三王世家則其所載不過奏請及策書或如五家其首畧叙其所自出亦未可知也贊乃真太史公語也其八曰傳靳蒯成列傳此其篇具在而無列缺者也張晏乃謂褚先生所補褚先生論著附見史記甚多試取一二條與此傳並觀之則雅俗工拙自可了矣其九曰日者列傳自余志而著之以上皆太史公本書其十曰龜策列傳其序具在自褚先生曰以下乃其所補爾方班固時東觀蘭臺所藏十篇雖有錄無書正如古文尚書兩漢諸儒皆未嘗見至江左始盛行固不可以其脫出遂疑以爲偽也

馮商所續太史公七篇

張湯傳贊馮商稱張湯之先與留侯同祖史通云
史記所書年止漢武太初已後闕而不錄其後劉
向子歆及諸好事者若馮商衛衡楊雄史岑梁
審肆仁晉馮駸肅金卅馮衍常融蕭奮劉恂等相
次撰續迄于哀平間猶名史記至建武中司徒掾
班彪以爲其言鄙俗不足以踵前史又雄歆偽康
新室誤後惑衆不當垂之後代於是採其舊事傍
貫異聞作後六十五篇其子固爲漢書

太古以來年紀二篇

李德林曰史者編年也故魯號紀年墨子又云吾
見百國春秋六藝論云燧人至伏羲一百八十七
代

漢著記百九十卷

劉毅曰漢之舊典世有注記荀悅申鑒曰先帝故事有起居注曰注動靜之節必書焉通典曰漢武帝有禁中起居注焉后撰明帝起居注則漢起居似在宮中為女史之任谷永言災異有八世著記久不塞除之語

春秋左氏傳三十卷

劉子駿曰左丘明好惡與聖人同親見夫子而公穀在七十子後傳聞之與親見其詳畧不同也杜元凱曰左丘明受經於仲尼以為經者不刊之書也故傳或先經以始事或後經以終義或依經以辯理或錯經以合異隨義而發其例之所重舊史遺文略不盡舉非聖人所修之要故也身為國

史躬覽載籍必廣記而備言之其文緩其旨遠將
今季者原始要終尋其枝葉究其所窮優而柔之
使自來之賡而飲之使自趨之若江海之浸膏澤
之潤渙然水釋怡然理然後為得也順其發凡以
言例皆經國之常制周公之垂法史書之舊章仲
尼從而修之以成一經之通體其微顯闡幽載成
義類者皆據舊例而發義指行事以正褒貶諸稱
書不書先書故書不言不稱書曰之類皆所以起
新舊發大義謂之變例然亦有史所不書即以爲
義者此蓋春秋新意故傳不言凡曲而暢之也其
經無義例因行事而言則傳直言其歸趣而已非
例也

陳氏曰自昔相傳以爲左丘明撰其好惡與聖人

同者也而其末記晉智伯反喪於韓魏在獲麟後二十八年去孔子沒亦二十六年不應年少後亡如何又其書稱虞不臘矣見於宰酈及秦廢長皆戰國後制故或疑非孔子所稱左丘明別自是一人為史官者其釋經義例雖未盡當理而具得當時事實則非二傳之比也

朱子語錄曰左氏之病是以成敗論是非而不本於義理之正掌為左氏是個猾頭熟事趨炎附勢之人

左氏傳是箇博記人做只是以世俗見識斷當它事皆功利之說

國秀問三傳優劣曰左氏曾見因史故事願精只是不知大義專去小處理會往往不曾講學

孔子作春秋當時亦須與門人講說所以公穀左氏得箇源流只是漸漸訛舛當初若全無傳受如何鑒空撰得

春秋左氏經傳集解三十卷

晁氏曰晉杜預元凱集劉子駿賈景伯父子許惠卿穎子肅之注分經之年與傳之年相附故題曰經傳集解其發明甚多古今稱之然其敝則并經信傳如成公十三年麻隧之戰傳載秦敗績而經不書以爲晉直秦曲則韓役書戰時公在師後不須告克獲有功亦無所諱於左傳之例皆不合不曰傳之繆而猥稱經文闕漏其尤甚者至如此

穀梁傳解十二卷

晁氏曰自漢魏以來穀梁注解有尹更始唐固糜

信孔演江熙等十數家而范甯皆以爲膚淺於是
師其長子參中子雍小子凱從弟邵及門生故吏
商畧名例博采諸儒同異之說成其父汪之志嘗
謂三傳之李穀柔所得最多諸家之解范甯之論
最善

春秋繁露十七卷

是氏曰漢董仲舒撰史稱仲舒說春秋事得失聞
舉玉杯繁露清明竹林之屬數十篇十餘萬言皆
傳於後世今溢而爲八十二篇又通名繁露皆未
詳隋唐卷目與今同但多訛舛

春秋決事比

崇文總目漢董仲舒撰丁氏平黃氏正初仲舒既
老病致仕朝廷每有政議武帝教遣廷尉張湯問

其得失於是作春秋決疑二百三十二事動以經對至吳太史公吳汝南丁季江夏黃後平正得失今頗殘逸止有七十八事

春秋釋例十五卷

是氏曰晉杜預注凡四十部集左傳諸例及地名譜第歷數皆顯其同異從而釋之發明尤多昔人稱預為左氏忠臣而預自以為有傳癖觀此尤信左氏膏肓九卷

崇文總目漢司空掾何休始撰答賈逵事因記左氏所短遂頗流布孝者稱之後更刪補為定今每事左方輒附鄭康成之孝因引鄭說竄寄何書云書今殘逸第七卷亡

春秋正義三十卷

晁氏曰自杜預專治左氏李其復沈又阿蘇寬列
炫皆有義疏而炫性矜代雅好非毀規杜氏之失
一百五十餘事義特淺近然比諸家猶有可觀今
書據以爲本其有踈漏以沈氏補焉

春秋公羊疏三十卷

晁氏曰其書以何氏三科九旨爲宗本其說曰何
氏之意三科九旨正是一事爾總而言之謂之三
科析而言之謂之九旨新周故宋以春秋當新王
此一科三旨也所見異辭所聞異辭所傳聞異辭
此二科六旨也內其國而外諸夏內諸夏而外夷
狄此三科九旨也

春秋摘微四卷

晁氏曰唐盧仝撰其解經不用傳然旨意甚踈韓

愈謂春秋三傳東高閣獨把遺經究終始蓋實錄也祖無擇得之於金陵崇文總目所不載

春秋集傳

纂例

辨疑共十七卷

晁氏曰啖助字叔佐閩人趙匡字伯修天水人微旨自馬序公武甯李春秋閩古今諸儒之說多失太抵啖趙以前李者皆專門名家苟有不通寧言經誤其失也固陋啖趙以後李者喜援經摯傳其或未明則憑私臆決其失也穿鑿均之失聖人之旨而穿鑿之害為甚啖氏製統例分別疏通其義趙氏損益多所發揮今纂而合之凡四十篇

春秋加減一卷

崇文總目唐元和時國子監丞詔修定以此經字

文多少不同

誌其增損以附其後

春秋指掌論三十卷

崇文總目唐陳岳撰以三家異同三百餘條參求其長以通春秋之義

春秋指掌

崇文總目唐詵左武衛兵曹李瑾撰瑾集諸家之說為序義凡例各一篇稱孔穎達正義為五篇采摭餘條為碎玉一篇集先儒異同辨正得失為三篇取劉炫規過申證其義為三篇大氏專依杜氏之序以為說云

春秋名號歸一圖二卷

崇文總目偽蜀馮繼元撰以春秋官謚名字彙附初名之左

帝王曆紀譜三卷

崇文總目不着撰人名氏其序言周所封諸侯子孫散於它國孔子修春秋而譜其世系上采帝王曆紀而條次之蓋季春秋所錄今本題云荀卿撰者非也

春秋世譜一卷

崇文總目不著撰人名氏凡七卷起黃帝至周見於春秋諸國世系傳久稍失其次矣按隋唐書目春秋大夫世族譜十三卷顧昫期撰而杜預釋例自有世族譜一卷今書與釋例所載不同而本或題云杜預撰者非也疑此乃昫期所撰云

春秋集傳十五卷

崇文總目皇朝王汾纂汾憲季者自私其家季而是非多異失聖人之意乃集三傳之說則爲一書

又見秘書目有先儒春秋之季願多因於求之得
董仲舒等十餘家法自以先儒猶為未盡者彼以
己意箋之

廣文苑之六前六十四
藝之

續春秋考

要語

古者謂史記為春秋後世有所著述多托春秋之名
其屬辭比事不與春秋相似非史策之正也
夏殷春秋

史通景汲冢璣語記大丁時事目為夏殷春秋璣
語又有晉春秋記獻公十七年事竹書紀年其所
記事皆以魯春秋同孟子曰晉宋楚禱杭魯春秋
其實一也故墨子曰吾見百國春秋 隋志古文
璣語四卷汲冢書 春秋正義水經注引璣語

周春秋

周語注周春秋曰云云

晏子春秋

史記晏平仲嬰策之夷維人事齊靈莊景公以卿
儉力行重於齊太史公曰五讀晏子春秋 漢志
儒家晏子八篇 隋儒家晏子春秋七卷 書目
十二卷或以為後人采嬰行事為書故卷頗名於
前志 是氏志著其行事及諫諍之言昔可為迂
讀而高之而莫知其所以為書或曰晏子之後為
之 柳宗元辨曰疑其墨子之徒有齊人者為之
言問東及古治子等尤怪誕後之錄諸子書宜列
之墨家非晏子為墨也為是書者墨之道 禮記
投壺注引晏子春秋

史記呂不韋傳不韋為相食客三千人異時諸侯
多辨士如荀卿之徒著書布天下呂不韋乃使其
客人人著所聞集論以為八覽六論十二紀二十
餘萬言以為備天地萬物古今之事号曰呂氏春
秋布咸陽市門懸千金其上延諸侯遊士賓客有
能增損一字者與千金 諸侯年表呂不韋秦莊
襄王相亦上觀尚古則拾春秋六國事以為八覽
六論十二紀為呂氏春秋 漢書司馬遷傳不韋
廷蜀世傳呂覽注蘇林曰呂氏春秋篇名人覽藝
文志禡家呂氏春秋二十六篇注秦丞相不韋輯
智畧士作唐家志禡家呂氏春秋一十六卷高誘
注 高誘序曰以道德為標的以無為仁紀綱以
忠義為品式以公方為檢格與孟軻荀卿淮南楊

雄相表裏也為之解以述古儒之旨凡十七萬三千五百十四言書目是書凡百六十篇以月紀為首故以春秋名書禮運注呂氏說曰今而謂之春秋事類相近焉

虞氏春秋

史記諸侯年表趙孝成王時其相虞卿著書上採春秋下觀近世曰鄭義稱号揣摩政謀凡八篇以刺譏國家得先世傳之曰虞氏春秋太史公曰虞卿非窮愁不能著書以自見於後世漢志春秋有虞氏二篇儒家虞氏春秋十五篇李氏春秋二篇孔業子虞卿著書名春秋魏齊曰無然也春秋孔經所以名經也今予之書大抵談說而已亦以為名何谷曰經者其取常事也可常則

為經矣且不為孔子其無經乎齊門子順曰魯之
史記曰春秋春秋因以名焉又晏子之書亦曰春
秋注虞卿遊說之士為趙孝成王上卿後與魏齊
間行去趙困於大梁不得志乃著書 史通晏子
虞卿呂氏陸賈其書篇第本無年月而亦謂春秋
吳越春秋

後漢趙曄傳著吳越春秋詩細歷神淵蔡邕至會
稽讀詩細而歎息以為長於論衡邕還師傳之季
者咸誦習焉 晉書楊方補高梁太守在郡積年
著五經鉤沉更撰吳越春秋并雜文行於五世
隋志襟史類吳越春秋十二卷趙曄撰吳越春秋
削繁五卷楊方撰吳越春秋十卷皇甫遵撰吳越
記六卷越絕相承以為子貢所作趙曄又為吳越

春秋其屬辭比事皆不與春秋史記漢書相似蓋
率爾而作非史策之正也 中興書目吳越春秋
十卷內吳外曰越以紀其事吳越太伯止闔閭越
起無余止句踐 崇文目越絕書有內紀八外傳
十七文題外缺終二十篇 書目或云子貢子胥
然載春申君及紀年至建武二十八年疑後人續
成今存十九篇十五卷篇一卷荆平主內傳二外
傳記吳地三吳內傳四計倪內經五諸羅內傳六
外傳策考七外傳記范伯內傳陳成常八外傳記
地傳九外傳計倪十外傳記吳王占夢十一外傳
記室劍十二內經九術外傳記軍氣十三外傳枕
中十四外傳春申君德序外傳十五篇叙外傳

唐志襟史劉允濟魯後春秋二十卷 劉允濟傳
中宗時廷著作佐郎采魯哀公後十二世接戰國
為魯後春秋獻之允濟嘗曰史官善惡必書使驕
主賊臣懼此權顧輕哉而班生受金陳壽求米僕
乃視之如浮雲耳

戰國春秋

北齊書李檠撰戰國春秋及音議 隋志戰國春
秋二十卷李檠撰左史六卷李檠撰

楚漢春秋

後班彪傳漢吳定天下太中大夫陸賈記錄特功
作楚漢春秋九篇 藝文志春秋宋楚漢春秋九
篇陸賈所記 隋志襟史楚漢春秋九卷陸賈撰
述誅鋤秦項之事司馬廷 楚漢春秋接其後事

漢春秋

明帝紀永平十五年祠仲尼注漢春秋曰帝特升廟立群臣中庭北面皆再拜帝進爵而後坐光武紀建武五年注案范曄序例云帝紀畧依春秋唯字彙日食地震書餘悉備於志司馬遷傳太史公曰注如淳曰漢儀注太史公武帝置位在丞相上天下計書先上太史副上丞相序事如古春秋晁錯策刻於王版藏於金匱歷之春秋楊惲傳天陰不雨此春秋所記夏侯君所言也注張晏曰漢史記勝所言故曰春秋所記叙傳為春秋考紀王命論垂策書於春秋注師古曰史言記事之總稱唐志襟史孔衍漢春秋十卷後漢春秋六卷袁曄獻帝春秋十卷國史志胡旦漢

春秋百卷問答一卷漢化五年旦自言願給借館
史繕寫帝曰襍貶出於膏臆豈得容易流傳祥符
三年謝必又為言敕襄州給紙寫天經中獻之仁
宗稱歎近旦秘書監

漢晉春秋

漢魏春秋

晉習鑿齒傳為滎陽太守在郡著漢晉春秋起漢
光武終晉愍帝於三國之時蜀以宗室為正魏武
雖受漢禪晉尚為篡逆至文帝平蜀乃為漢亡而
晉始吳凡五十四卷 隋志漢魏春秋九卷孔舒
元撰漢晉陽秋四十七卷訖愍帝習鑿齒撰

魏氏春秋

晉陽秋

晉孫盛傳篤孝不倦著魏氏春秋晉陽秋詞直理
正咸秋良史桓溫見之怒其子請刪改之盛不可

子遂私改之太元中孝武博求異聞始得別本於遼東考校多不同書遂兩存書目晉陽秋孫盛撰隋志本二十一卷今止存宣帝一卷懷帝下一卷唐人所書康帝一卷余亡盛不名春秋而曰陽秋者避鄭太后名也唐志編年显孫盛魏武春秋二十卷鄧燦晉陽秋三十二卷檀道鸞晉春秋二十卷襟史顏孫壽魏陽秋異同八卷王詔之私撰晉安帝陽秋除著作佐郎使續後事訖義熙九年善叙事辭論可觀為後代佳史

三國春秋

唐志雜史員半千三國春秋二十卷崔良佐三國春秋卷亡

隋志禮史九州春秋十卷司馬彪撰記漢末事
書目紀漢末州郡之亂司冀亮徐青荆楊 幽九
州各一篇 司馬彪專精學術泰始中為秘書丞
注莊子作九州春秋三國志引之 吳志注臣松
之案太康八年廣州大中正王範上文廣二州春
秋

玄晏春秋

舊唐志襟傳玄晏春秋二卷皇甫謐撰 書皇甫
謐傳謐自号玄晏先生撰玄晏春秋重於世

任子春秋

晉杜夷傳凡崧字行高有志節惠帝時俗多浮偽
著任子春秋以刺之

晉春秋後語

史通孔衍以戰國策所書未爲盡善乃引太史公所記參其異同荆彼二家聚爲一錄号爲春秋後語除二周及宋衛中山所畱者七國而已始自本孝公終於楚漢之際比於春秋亦尽二百四十餘年行事始衍撰春秋時國語後撰春秋後語勒成二書各爲十今行世者唯後語存焉 唐志襟史孔衍春秋時國語春秋後國語各十卷漢春秋十卷後漢春秋六卷後魏春秋九卷 通鑑外紀引後語

晉春秋後傳

史通晉著作郎樂資采二史撰爲春秋後傳其書始爲周貞王續前傳魯哀以後至王赧入秦又以秦文王繼周終於二世今作三十卷 隋志襟史

何承天春秋前傳十卷前漢書傳九卷 水經注引

春秋後傳

十六國春秋

北史後魏崔鴻以劉元海石勒慕容儼符健慕容
垂姚萇慕容德赫連屈子張軌李雄呂光乞伏國
仁秃髮烏孤李嵩沮渠蒙遜馮跋等並因世故跨
僭一方各有國書未有統一鴻乃撰爲十六國春
秋勒成百卷因其旧記時有增損廢貶鴻二世仁
江左故不錄劉蕭之書稽以長歷考諸舊志又別
作序例一卷年志一卷凡一百二卷 隋志霸史
崔鴻撰十六國春秋一百卷 國史志鴻書世有
二十餘卷舊志乃五十卷蓋獻書者妄分篇第
晁說之曰司馬公休言溫公所考一六國春秋非

崔鴻全書

三十國春秋

隋志古史三十國春秋三十一卷梁湘東世子蕭方等撰唐志偽史類蕭方三十國春秋三十卷武敏之三十國春秋一百卷蔡允恭後梁春秋十卷中興書目三十卷方等採削諸史以晉為主附列漢劉淵以下二十九國又上取吳孫皓事起宣帝迄恭帝又三十國春秋鈔一卷

晉春秋畧

唐志編年杜延業晉春秋畧二十卷中興書目

唐秘書省正字杜公業撰并序起晉宣帝迄恭帝一百五十六年以後魏崔鴻撰十六國春秋尚未

完盡梁蕭方等晉三十國春秋以晉為主附列二

十四國采集為廣遠加刪緝号曰晉春秋畧凡一百八萬餘言

宋春秋 齊春秋

隋志古史宋春秋二十卷梁吳興令王琰撰齊春秋三十卷梁奉朝請吳均撰唐志編年類纂齊春秋三十卷宋春秋二十卷王琰二十卷吳均齊春秋三十卷裴子野欲撰齊梁春秋草創未就

文中子元經

元經五十篇列為十五卷自獲麟後歷秦漢至後魏著紀年之書謂之元經薛收傳阮逸注中說天下無賞罰三百載元經得不與乎薛收曰始於晉惠何也曰元經褒貶以代賞罰董常曰夫子以元經為賞罰子述元經皇始之事歎焉叔怙曰蓋

歎命矣子謂叔恬曰春秋元經於王道是輕重之
權衡曲直之繩墨也子曰元經其正名乎皇始之
帝証天以授之也晉宋之王近於正体於是乎未
忘中國齊梁陳之德斤之於四夷也以明中國之
有代太和之力也曰元經而吳帝制忘矣元經其
言也之意乎義直而微言曲而中董常曰元經之
帝元魏皇始之授魏帝晉何也子曰云云曰元經
以人事終故止於陳亡書陳亡而具五國褒貶不
及仁壽元經抗帝而尊中國正曆數則斷南北感
帝制而首太熙尊中國而正皇始 中吳書目元
經薛氏傳十五卷阮逸李 於晉帝終於陳亡如
春秋經傳之体疑此非通本書

志錄年錄吳兢唐春秋三十卷帝述三十卷陸長
源六十卷 吳兢傳景龍間任史事時武張盛頗
事多不實兢不得志私撰唐書唐春秋未就至開
元中勾官筆札莫得成書詔兢就集賢院論次後
貶荊州司馬以史草自隋蕭嵩領國史遣使者就
兢取書得六十餘篇 李元紘傳初左庶子吳兢
為史官謨唐書及春秋未成後上書請畢其功詔
許就集賢成書張說致仕詔在家修史元紘因言
國史記人君善惡王致損益衆貶所繫前經尤重
今國大典分散不一且太宗別置史館禁中松嚴
之也請勒說其書就館參會謨錄詔可 會要開
元十四年七月六日左庶子吳兢奏臣潛心積思
別撰唐書九十八卷唐春秋三十卷用藏私室歷

二十餘年尚刊削未就於是彌綸舊紀重加刪削
雖文則不上而事皆從實斷自隋大業十三年迄
于開元十四年春三月即皇家一代之典盡在斯
矣詔就就集賢院論次俄令就史館其書未就就
遷荊州司馬上令中使往荊州取得五十餘卷記
事疏畧 帝述傳李進士特方少考功宋之問曰
董子何業述曰性嗜書所撰唐春秋三十篇未畢
他唯命之問曰本來茂才乃得廷國遂上第 國
史志陸長源唐春秋今存十八卷 孫氏西齋錄
長源唐春秋乃編年襍錄掇其切肖獨可示微勸
自為十八通書号孫氏西齋錄 宋朝趙瞻唐春
秋五十卷

書目五代春秋一卷尹洙撰 國史志 魏史王鈔

五朝春秋二十五卷

續春秋

唐續春秋

開元中裴光庭拜侍中兼洪文館學士又引壽安丞李融拾遺張琪著作即司馬利賓直洪文館撰續春秋經傳自戰國訖隋請天子修經光庭作傳書久不就

十六國春秋

魏世黃門侍郎崔鴻乃考覈衆家辨其同異除煩補闕錯綜綱紀考其國書曰錄注記曰傳都謂十六國之春秋先是前趙有漢趙記後趙有上黨國記趙書業都紀趙純前燕有燕紀後燕有後書南燕有南燕錄漢有漢書華陽國志前凉有凉國春

秋涼記涼書前秦有秦記後秦有秦史夏有國書
西涼西秦吐燕之史或當代所書或他邦所錄至
崔鴻乃著為十六國春秋

虞氏春秋

虞卿說遊之士困於梁乃著書上採春秋下觀近
世由節義稱號揣摩政謀凡八篇以刺譏國家得
失世傳之曰虞氏春秋

呂氏春秋

呂不韋為丞相是時魏有信陵楚有春申趙有平
源齊有孟春皆下士喜賓客以相傾不韋以奏之
強羞不如亦招士厚遇之是時多辨士如荀卿之
徒著書布天下呂不韋乃使其客人人著所聞集
論以為八覽六論十二紀二十餘萬言以為備天

丁氏舊本古今之事呂氏春秋布成陳市門盡千金其上延諸侯進士賓客有客增損一字者予千金

吳越春秋 楚漢春秋 漢春秋 後漢春秋

魏春秋 魏氏春秋 晉陽春秋

孫盛篤孝不卷自少至老不釋卷著魏氏春秋晉陽春秋詞直而理正 稱良史焉既而桓溫見之怒謂盛子曰枋頭誠為失利何至如尊君所說若此史遂行自是當君門此事其子請刪改盛大怒諸子遂改之盛罵兩本寄於慕容雋大元中孝武傳求異聞始於遼東得之考校多有不同書遂兩存

晉漢春秋 唐春秋

習鑿齒歸襄陽是時桓溫覬覬望鑿齒在郤著漢
晉春秋以裁正之起後漢光武終晉愍帝於三國
之時蜀以宗室為正魏武雖受漢禪晉尚為篡逆
至文帝平蜀乃為漢亡而晉始興焉凡五十四卷
後史準左傳體

晉樂資春秋後傳荀悅漢紀張璠後漢紀劉璠梁
典孫盛春秋于宝晉紀裴子野宋畧吳均齊春秋
何之元梁典王劭齊忠孔子沒經傳不作于特文
籍唯有戰國策及太史公書而已至晉著作郎樂
資乃追采二史撰為春秋後傳其書始以周平王
續前傳魯哀公于後至王赧入秦又以秦文公之
繼周終於二世之滅合成三十卷漢獻帝命荀悅
為編年體依附左傳著漢紀三十篇自後漢至於

高齊如張璠孫盛于宝徐賈裴于野吳均何之元
王劭等其所著書或謂之紀或謂之畧或謂之志
雖各異大抵皆依左傳以為的準

藝文

春秋考

要語

唐春秋通例

韓滉傳治易春秋著通例及天文事序議各一篇
志韓滉春秋通一卷陸郢声春秋通例三卷

唐春秋集傳 纂例

啖助傳善為春秋考三家短長縫被漏闕号集傳
凡十年乃成復攝其綱例為條統門人趙康陸賀
其高弟也質與其子異裒錄助所為春秋集注總

例請康損益質纂會之号纂例 志陸質集注二十卷纂例十卷微旨二卷辨疑七卷樊宗師集傳十五卷 會要正元十九年給事中六質著集注二十卷類礼二十卷君臣齒異三十五卷之上

唐春秋義統

書目春秋闡微纂類義統十卷皇朝章拱之作春秋統微序趙氏集吹氏統例集注二書及已說可以例本者為闡微義統十二卷第三四卷亡逸今本同趙康字伯循 文中子世宋王述著春秋義統

唐春秋纂要

經傳要畧

御集例國經傳

志高重春秋纂要四十卷重士廡五代孫文宗時翰林侍講奉士帝好左氏春秋命重分句入歌詠

跌宕而不群綴橫而自得若斯才者殆持工倖造
化思涉鬼神者述罕聞古今卓絕於二傳之叙事
也榛蕪溢句疣贅滿行華多而少實言拙而寡味
春秋有言外之意

春秋之當時書天下大亂聖人且據實而書之其
是非得失付諸後世公論蓋有言外之意若必於
一字一辭之間求褒貶所在切恐不然

褒貶極是嚴謹

春秋之作蓋以當時人欲橫流遂以二百四十二
年行事寓其褒貶極是嚴謹一字不輕易若如今
之說只是箇推謀智畧兵機譎詐之書耳

大旨不專於法例

春秋大旨其可見者誅亂臣討賊于內中國外夷

狄貴王賤伯而已未必如先儒所言字字有義也
想孔子當時只是惡俗二三百年的事故取史文
寫在這裏何嘗云某事用某法某事用某例耶且
如書會盟侵伐大意不過見諸侯擅與自肆耳書
郊禘大意不過是會僭礼耳至如三卜四卜牛傷
牛死是失礼之中又失礼也恕書不郊猶三望是
不必望而由望也如書仲遂卒猶繹是不必繹而
猶繹也如此等義却自分明

經世之大法

四代之礼樂此是經世之大法也春秋之書亦世
之大法也默四代之礼樂是以善者為法春秋是
以不善者為戒

正誡不諱利明道不計功尊王賤伯內中夏外夷
狄此春秋之大旨也

春秋垂萬世法

孔子作春秋以討亂賊致治之法垂於萬世是亦
一治也

春秋治於平王

平王東迁而政教号令不及於天下黍離降於國
風而雅亡春秋魯史記之名孔子因而筆削之始
於魯隱公之元年實平王之四十九年也

討亂臣賊子之法

邪說害正人人得而闢之不必聖賢如春秋之法
亂臣賊子人人得而誅之不必王師也

傳例不可言

春秋傳例多不可信聖人記事安有許多義例如書代國惡諸侯之擅與書山崩地震僉蝗之類知災詳有所由致也

代王者賞罰之柄

周衰王者之賞罰不行乎天下諸侯擅相侵伐強凌弱衆暴寡是非善惡由是不明人欲肆而天理滅矣吾夫子憂之乃因魯史而修春秋以代王者之賞罰是仁而非仁善仁而惡惡誅奸諛於既死發潛德之幽光是故春秋成而亂臣賊子懼

紀事之例不同

春秋一事各是發明一例如看風水移步換刑但以今人之心中聖人之意未到聖人洒然處不能

不明書之昭王之葬

春秋某所未卒不敢強為之說然以人情度之天王狩于河陽恐是特史策已如此書蓋當時周室雖微名分尚在晉文公召王固是不順然史策所書想不敢明言晉侯召王也

讀者須反復誣詠

此經固當以類例相通然亦先須隨事觀理反復誣詠令膏次間闕義理通貫方有意味若一向如此安排說殺正使在彼分正斷得十分的當却於自己分上都不見得箇從容活絡受用則何益於事耶

春秋之文藝述作

春秋之文藝述作也按舜典紀元日商訓稱元祀

經書元年所謂祖二帝明三王述而不作者也正
次王王次春乃立法創制裁自聖心無所述於人
者也

休元人主之職調元宰相之事

即位二年必稱元年者明君人之用也大哉乾元
萬物資始天之用也至哉坤元萬物資生地之用
也成位乎其中則與天地參故休元者人主之職
而調元者宰相之事元即仁也仁人心也春秋深
明其用當自貴者始故治國先正其心以正朝廷
與百官而遠近莫不一於正矣

仲尼晚年而後修春秋

夫子之修春秋何其著辭之嚴而措意之密也按
夫子世家載晏子問凡三年聖人特就有立矣而

春秋不作於此時歷聘諸國年踰知命而春秋又
不作於此時迨哀四十公年聖人已七十餘矣因
西狩獲麟乃約魯史而修春秋聖人胡不着心於
心壯志銳之年而乃拳拳於血氣既衰之後邪蓋
聖人惟恐更天下之事欲為未深閱天下之理義
未為熟則未改恃一己之私見而立萬世之正論
也

春秋大一統

議常經者黜百家尊孔氏不在六藝之科者勿使
並進此道術之歸於一也言致理者欲令政事皆
出中書而變札樂革制度則流放竄死之刑隨其
後此國政之歸於一也若乃尊私門廢公道各以
便宜從事是人自為政繆於春秋大一統之義矣

夫子自序其續

威公以義責楚而楚人求盟夫子以礼責齊而齊人歸地皆書曰來序續也春秋夫子之筆削自序其續可乎聖人會人物於一身萬象異形而同体通古今於一息百王異世而同神

定元正

元年必書正月謹始也定何以無正月昭公薨於乾侯不得正其終定公制在權臣不得正其始春秋兼帝王之道

唐虞公天下則相禪而與賢三代家天下則相繼而與子春秋兼帝王之道可公也則以達節為權故季礼辟國貶而稱名可家也則以居正為大故

莊公始生即書于策

平王末年諸命不足紀而後春秋託於紀事之史
書止於文侯之命而春秋起於平王之末年其諸
命不足紀而後春秋記於紀事之史乎且文侯之
命之有於書已非灝灝之舊矣夫天子命諸侯曰
伯父叔父可也顧父義和而字呼之得無降尊貶
重乎又况錫圭瓚則是使之裡祀也賚弓矢則是
得以專征也國大事惟祀與戎而又輕以示錫
賚之恩乎考其一篇之命不惟襲天王之威重而
且開諸侯之僭端是猶初年之出命也顧已若此
迨夫末年以天王之尊便其宰下贈諸侯之妾而
祭伯之果初非有王命陵夷之勢遂至於此故書
之文侯之命有以見帝王而下世變風移將降而
為春秋戰國也春秋起於平王之末年有以見帝

王以來風声氣習不復 於春秋之世也嗟夫周
書終而春秋始其 泰離降王而國風歟

春秋多貶僖公詩多美僖公

魯頌四篇皆為僖公作也僖公其魯之賢君歟攷
之春秋閔雨喜雨有志乎民則愛氏重穀不為無
其事所謂淮夷攸服獨嘗會于淮耳新作南門則
書之修泮宮無見也取濟西田則書之復周公之
宇無有也四卜郊不從乃免牲猶三望則書之所
謂享以騂犧殆有時而不然也詩之刪春秋之筆
削皆出於吾聖人之手春秋直書而詩多溢辭何
歟說者曰僖公之為君功過相半者也諸不刺威
項伐邾之失懼其以過掩功春秋于書修泮伐淮
之美懼其以功掩過詩寬而春秋嚴皆所以為嚴

也噫是則然吾姑以春秋論僖公或者魯頌之美
出於不足歟

哀公之春秋多遺意

傳春秋者嘗曰定哀多微辭吾觀哀公之春秋未
始不戒其往而開其新辭甚著明而何微之云且
春秋書災多矣今而威宮僖宮書災社書災夫其
偶然耶春秋書外國之伐亦多矣今而書吳伐我
齊國書帥師伐我夫豈闕其地耶春秋書螽亦多
矣今而十二年冬十二月書螽明年九月書螽冬
十二月又書螽夫豈失閏耶季氏出於威公立於
僖公而奕世專魯之政者也故威僖親冬而廟
毀然則二官之災天以戒季氏之強盛也月矣諸
侯之有商社所以戒亡國也魯有季氏國其將亡

乎然則毫社之災天以戒魯之危亡也亦明矣聖人詎不明書而警之哉元年以采三家相尋於伐邾為功以會吳為好而不知我能伐邾吳能為邾而伐我我能會吳伐齊齊能以師而伐我是吳師之由不知在吳與齊而常在我也惟干戈省厥躬哀公可以自省矣晉人詎不明書以警之哉三吾猶不足哀公之意也歆以田賦季孫欺之意也田賦甫用而連年病螽則重賦害民傷和致異可見矣一諉諸失國殆非也聖人詎不明書以警之哉吾將謂哀公之春秋非多微辭而實多微意也

三伐戎

按齊侯伐戎者三莊二十年伐戎三十年伐山戎皆經人僖十年伐北戎則經齊侯何也說者謂貶

之故稱人與之故出爵夫攘夷扶正中夏此正伯
者之助耳春秋何所貶哉蓋稱人者非病小白也
此春秋垂世之法也夫小白有比戎之切春秋例
許之則後世有襲其事勤遠國而殘中國者也故
春秋兩入之以戒後世之勤兵者然而後不出爵
則以小白之功終不可見故復書齊侯以與之一
以戒後世一以顯齊侯此所以為春秋也

三伯總論

孔子曰晉文公誦而不正齊威公正而此聖
人即春秋之旨以定二伯之優省也昔者宣王中
吳伐獫狁威荊蠻使之竄伏荒陬屏氣息迹不敢
內顧自平王東廷周道後衰時無宣王之明無吉
甫方叔之位是以荊蠻醜類浸尔北梁入蔡伐鄭

侵陳圍宋讎狼戾所向披靡幸賴小白重耳相
望而興或盟會以聲其威或克伐以折其氣是以
虐焰不逞中原少寧則二伯之功亦云威矣考之
經筆其行事終始相背馳請備論之以伸孔子之
說周惠王以惠后之愛欲廢太子鄭立王子帶而
小白親率諸侯會世子于首止以定其位此正天
下之功也至重耳敗楚未幾已致天王子踐土則
與首止之盟異矣及惠王即位襄王以叔帶之難
懼不得立使告于齊小白於是率諸侯以某之此
定王室之功也至重耳會溫未幾又盟王人于翟
泉則與洮之盟又異矣小白以礼義柔中國故盟
會諸侯八然後有陞之師則先礼義而後征伐者
也重耳以兵革威中國故未嘗盟會諸侯遽有城

潰之戰則先狂伐而後礼義者也小白之服楚先
侵蔡以示其威又次于陘以耀其衆及楚畏服遣
師乞盟於是結盟而還未嘗接丹則志在於全師
而已及重耳戰楚城濮則先侵曹伐衛及又執曹
伯畀宋人以怒之然後合四國之師一戰屠楚
之

盟楚 後楚雖不敢憑陵大國而滅弦圖許滅黃
伐徐連歲侵軼不少哀止至重耳既敗楚師不見
經者七年雖徐許小國亦無楚患則服楚之功與
小白又異矣小白之伯也諸侯未服固嘗侵伐之
然不過伐其國之人臣使諸侯自懼而後已故在
十七年執鄭詹鄭伯遂同盟于函僖四年執陳轅
濤塗陳侯遂盟于首止此嘗未嘗執諸侯也至重

耳則執曹伯以畀宋人執衛侯以助元咺而曹衛
兩國終不與其盟會則其所以服諸侯者異矣小
白之伯也伐戎者三救諸侯者四城國者三雖不
能尽成其功然驅攘夷狄救卹灾患其於諸侯亦
不可謂無功也至重耳則戰楚之外不復其攘救
之功故三十年狄侵齊而晉侯不能救三十一年
衛廷帝丘而晉侯不城則其所以勤諸侯者又異
矣夫二伯行事載在春秋其不相戾如此切詳究
其心矣方小白之伐楚非不欲戰也然當春秋時
諸侯恣橫干戈相尋殘民暴骨不勝其患小白主
伯方崇礼義去侵伐以救當時之弊故端委正笏
雍容乎壇陛之間兵革不施而諸侯已論其志又
况當時楚雖侵強其患尚小不過侵擾鄰境若蔡

鄭語國而已及齊侯一出楚既畏服則召陵之師盟而不戰小白之心也然而夷狄之性易以威制難以信結故自 乏伯 楚之

公脇制

耳委命下吏無復慙色中

矣故重耳之與尚懷仁厚不

折楚之暴以懲艾諸侯哉然則

不得不用征伐也雖然小白之會

重耳之盟乃召天王其罪之輕重固不待

而明矣然循流究源則小白之罪又加於重耳何

則春秋之作爲尊王也當周之衰諸侯跋扈忽傲

天子君臣之禮掃地殆盡所賴於振興者二伯

已便小白主伯之後即帥諸侯朝天子以令天下

則重耳雖不臣安敢致天王哉惟小白不朝京師
致王世子是以晉文得侈其惡無所嚴憚論春秋
之義則小白之罪誠過於重耳矣嗚呼賢如一伯
且假尊周之名而忘其實况當世諸侯哉孟子謂
三王之罪人諒矣